

مجموعه ابوالضیا

ماسوا شاه مستن دلی تطهیرہ پالش
پرتو حکمت و عرفان ایله تویرہ آتش

علوم و معارفین بحث ایدرہ و ہر ماہ عرفی ابتدائیہ اون بشتہ نشر اولنور فنون غریبہ سیدرہ

[نصدہ سی ۳ فروش

فی ۱۵ محرم سنہ ۱۲۹۸

نومرو ۹]

ایشته بالاده عرض اولنان مناسبتلرله در که شو رسالهیه مطبوعاتندن
کنایه خرده بین تسمیه ایلدک .

بوندن مراد عاجزانه مز بر فکر خرده بین ابله یکی بر سیاره ویا علل
سارینک سببی اولان هوامدن یکی برنوع کشف ایدرجه سنه بر طاقم آثار
فوق العاده ابرازی ادعاسنده بولمق دکل اثر عاجزانه مزك دخی انتشار
معارفه برخادم اولدیغنی بیان ایتکدر .

فراققلنك طریق معاشی

(مابعد)

زیرا کوچوک بر اهلالمک بیوک بر فئالق حاصل ایتدیکی بک چوق کو-
رلمشدر . نته کیم: بر مینک نقصانی بر نعلک غائب اولسنی، بر نعلک غائب
اولسنی بر آنک ضایع اولسنی، بر آنک ضایع اولسنی سوارینک هلاک او-
لسنی نتیجه وبربر .

چونکه دشمن بنشوب ایشنی بتیربر . بونلرک هپسی ده بئکنک بر مینجه
دقت ایتمکدن ایلری کلیر . ایشته قومشورلم! سعی وغیر وهر کسک
کمدی ایشنی ایچون صرف ایتمی الزم اولان دقت حقنده بو وصایا کا-
قیدر؛ فقط سعی وغیرمزك موفقیتندن امین اولمق ایسترسهك بوکا برده
اعتدال علاوه ایتلیز .

بر آدم مصرفنی ایرادینه اویدیره رق اداره ایتمزسه مدت عمرنده باشنی
ایشندن قالدیرمدیغنی حالده دخی ینه بر آقجه صاحبی اولمادن فوت اولور .
زیرا راجل صالح ریشار دیمشدر که « مطبخ نه قدر یاغلی اولور سه میراث
او قدر ضعیف اولور . »

قادیلر بز طوقومه بی، ارککلر عشرنه طالهرق، چکیچی، کسری
ترك ایدلی نیجه تروتر قزانلیسر قزانلیز محو اولمقده درلر . اگر زنکین

اولمق ايستيورسه كز يالكز پاره قزانمق يولنى او كرنمكز ! اداره نك يولنى ده او كرنكز !

آمرىقانك آلئونلارى اسپانيوللارى زنكين ايدهمدى . چونكه مصرفلر ايرادلندن زياده ايدى .

كلك شواسراف دليلكنى ترك ايدك ! او حالده طالعك ياردمسز . لغندن ، وركينك آغرلغندن ، قوجه قوجه اولركك يهوده مصرفندن شكاييت ايتكه محل قلمز .

ييلزميسكز كه عشرت ، فحشيات ، قار ، وقنا اعتقاد مالى اكسيلمككه برابر احتياجى آرتيرر .

” بر نوع فسق محافظه ايتك ايكي چوجوق ييولمككن دها مصرفليدر . ”

بر قايچ قيجان قهوه ، بر قايچ قدح عشرت ، لزومندن فضله طعام ، سوسلى البسه ايله اوافق تفك اكلنجهدن احتمال كه ييوك نتيجهدر چيقماز صابرسكز . لكن «طاملابه طاملابه كول اولور . مثلى هروقت خاطرده طوتهرق ، كوچك مصرفلرده احتياطللى طورانكز .

صوكيره جك كوچوجك بر دليك پك ييوك بر كينك باتمسنه كفايت ايدر . ينه جك ، ايجيله جك شيميرده كلفت ايتكللك صووكى ديلنجيلكه چيقار .

دلير ضيافت ويرر ، عقليلر ير . هيكر بورابه كوزل كوزل مفرو . شات ونحف ، تحف اوافق تفك املق ايچون طويلانمشكز ! سز بو شيله مال ديرسكز . اكر عقليكري باشكزه آلمزسه كز ايچكزدن بعضيلرى بوبوزدن ييوك ييوك ضررله اوغرايه ييلور .

بلكه سز بونلرى پك اوجوز قياس ايدرسكز . و بلكه ده - اصل قيمتلرندن اشاغى صابيلورر - ديرسكز . فقط شوراسينى ييللميسكز كه كرچككن احتياجكز بوق اينسه آلدېمكز اشيا سزه پك طوزلى اوطورور .

ریشارک « زومسز اش-یانی آلانر چوق زمان کچمه دن اک زوملی
اشیاسنی صاتمغه مجبور اولورل . » قولنی اونو تمیز ؟

بر کلییری اله کچیرمه دن اول دائما دوشنوب طاشنق کر کدر .

رجل صالحک اعتقادنجه کلپر دینیلان شی عادتا خیالدر ؛ چونکه
کرچکدن فائده لی ایشلر کزی سکتیه اوغرا ده جغندن ، دوشونلسه ضرری
فائده سندن زیاده در .

حتی ریشارک « برچوق آدم طانیرم ، که او جوزه طیهانه مدقلمندن
اوتوری خراب اولدینر . » قولی هیچ بروقت خاطرمدن چیقمز .

ندامت آلمغه یاره صرف ایتک مجنونلقدیر ! ینه بویه ایکن ریشارک
سالنامه سی خاطره کتیرلیورده هر کون مزادلده بوکبی حاللر کوریلیر .
ریشار دیمشدر که : « عقلایلر بشقه سنک مصیتندن عبرت آلیرل سده

دلیری کندی اوغرا دقلری مصیتلر بیه قولای عقلاندیره مز . »

اویه آدملر بیلیرم ، که قیافتنی دوزمک ایچون قارنی کوچولتمکه
مجبور اولمش ؛ وعادتا اولاد و عیالی آج براقشدر ! اطلسدن ، قضیفه دن
اثواب واقعا پک پارلاقدر ؛ اما مطبجک اوجاغنی سوندیرر . بونلر یشا -
مقلغک محتاج اولدیغی شیلردن دکل ، استراحت آلتی بیه صایله مز .

فقط پارلدیلری ادیمک هوسنی موجب اولیر ! ایشته بوندن طوللا -
بیدر ، که زومسز شیلر زوملی شیلره غالب کلش وچوغالمشدر .

کرچکدن بر فقیر ایچون بوز شیئه احتیاج کورینور .

بو ملاحظه سزلقلر سببیه بیوک خاندانن کلش آدملر ، فقیرلک در که -
سنه تنزل ایش و وقتیه حقیر اولوبده فقط سعی و تصرف سایه سنده
کوزل اداره اولتان آدملرک اعانه سنه اسیر اولمشلردر !

رجل صالحک « یاقده کی کویلی دیز چوکش بکنن یسو کدر . »
قولنی بوده تصدیق ایدر .

خراب اولانلرک میراث بندی اولملری احتمالدن بعید دکلدر . فقط

بدکاری میراثک نصل قرانمش اولدیغنی بیلدکاری ایچون " ایشته شمدی کوندز یا، کیجهیه وقت چوق ! " و " بنم ز نکیئلکمک یاننده اوفاق تفک مصرفک هیچ حکمی یوق ! " دیرلر .

چوجوقلرله دلیلر یکریمی غروشله یکریمی سنه بی بیتیز، توکنز قیاس ایدرلر ! هیچ دوشمنزلر که خیر تکه سنک ایچنده کی دائما آلتوبده یرینه بر شی قومغزسه دیبی چالوق کورینور . و " قوی قوروینجه صویک قیمتی آکلاشیلیر . "

دوستلرم ! پاره نك قیمتی بیلک ایسترمیسکز ؟ بورج ایدک ! چونکه بورج آلق ایستیان باشنه بلا صانین آلمش اولور . و ردکاری ایسته دکری زمان بو بلا اودنج و یرمش اولانلر کده باشنه کلیر؛ لکن مقصد بودکلدر . بر آز اول زینتن بحث ایتشیدک ! ایشته رجل صالح دیور که " زینت و غرور بر مصیتدر . نه زمان بونلره مبتلا اولورسه کز حظکردن اول کیسه کزه طانیشک ! " .

" غرور بردیلنجیدر، که احتیاج قدر فریاد ایدر ؛ و اوندن زیاده کوزی آچیدر . " اگر کوزل بر شی آلیرسه کز اسباب تزین مکمل اولوق ایچون اون شیئه دهها محتاج اولورسکز ! لکن برنجی هوسه غلبه ایتک تعاقب ایده جکاری یتکدن اهنودر .

فقیرک ز نکیینی تقلیده هوس ایتسی او کوز قدر شیشسوب بیومکه قالقیشان قورباغییه مشاهددر . !

بیوک کیلر انکیئلره دوشمکی کوزلرته کسدیره ییلیرلر؛ لکن کوچکلر ساحلدن آیرلماق لازمدر .

غرور دنیلان جنتک جزاسی تیر زمانده کندینی کوسستریر . ته کیم ریشار " قوشلق طعاعی غرور اولانلرک اقشام یمی حقارت اولور . " و " مغرور قهوه آلتی غنا ایله ایدرسه قوشلق یمکی ضرورتله بیوب اقشام ندامتله چوربه ایچر ! " دیمشدر .

هایدی هپسی شویله طور سون! عجباً غرور له زینتک نه دکری واردر، که
بولنده بونجه مختلر چکیلیور؟ بیوک بیوک نه لکه له قانلانیلیور؟
زینت، صحتزی محافظه ایله بیلیمی؟ غرور ضرور غمزی دفع ایلمکه
صالحمیدر؟ بالعکس! بواکی شی اصلزده کی قیمتی آرتزمقسنزین اوزریمزه
خلفک حسدینی دعوت ایدیور. و خرابمزی قولایلاتیور.

برکله پک کیمش طرنیلدن بشقه بر شیمیدر؟ عینله سوسلیلرده اونک
کییدر. اوله ایسه سوس اوغرنده بورج ایدنک نه بیوک حاقندر.
دوستلرم! بومزادک اخذ و اعطاسی آلتی آی وعده ایله در. همیزی
بورایه جمع ایدن او شرطدن استفاده مقصدی اولدیغنده شههم یوقدر؛
زیرا صرف ایله جک موجودی اولیانلر آرزولرینی بادهوا حصوله کتیرمک
امیدنده درلر. نه قدر اوزاق!

هیج بورج ابتدیککز وقت نه یامش اولدیغکزی بر کره دوشوندیکزمی؟
حریتکزه بشقه سنک تعرض ایله بیلسنه حق و بریورسکز!
کسدییککز مهلت تمام اولوبده بورجکزی اوده به مدیککز حالده آلا.
جقلیکزی کورونجه قیراریرسکز! سوزکزی یوتقونه یوتقونه سویلرسکز!
کورنلرک عیب صایه جفی صورتده نزللرله عذرلر دیلرسکز!

کیت کیده طوغری سویلیکی ترک ایدرک، آچیق واک آلچقاره لایق
یالانلرله ناموسکزی برباد ایدرسکز! ریشار دیمشدر که:

” برنجی قباحه بورج ایتک، ایکنجی یالان سویلیکدر. “

و ” بورج ایدنلرک طغارجفی یالانله طولودر. “

حر بر آدم هر کیمک اولورسه اولسون قارشینده سوز سویله مک و بو.
زیننه باققدن قورقوب اونا تمامق لازم کلیر.

فقر هر درلو غسیرت و فضیلتک آفتیدر. چونکه ” بوش طور به نک
دیک طور مه سی مشکدر. “

بر حکمدار و یاخود بر حکومت اولوبده بیوک آدمار یولنده کیمکی
 - حبس کی، و ارغادلق ایٹک کبی جزالی تعیینیه - یساق ایٹش بولنسه
 ایدی؛ حقنسه نه دیردیکز ؟ البته - بز حریرادلشز ! بکندیگن ائوابی
 کیمک حقزدر؛ بویله بر قانون حقزده تعرضدر . و بویله بر حکومت
 ظالمدر . - دیردیکز !

یا حال بویله ایکن اوستکزی، باشکزی سوسله مک یولنده بورج ایٹمک
 او ظلمی اختیار کزله قبول ایٹک دکلیدر ؟ زیرا بورجی اوده مکده قادر اوله -
 مزسه کز یا اوزون اوزون حبسلرده یاتیره رق، و یاخود ارغاد کی قو -
 نلانه رق، سزی ادعا ایلدیگن حریتدن محروم ایٹک آلاچقلیکزه حقیدر .
 آرزو ایتدیگن شیلری آلدیگن زمان بلکه پاره سنی اوده مکی خاطر -
 کزه کتیر مزسکز . لکن ریشار دیمشدر که : " آلاچقلیک حافظه سی
 بورجلیک کندن قوتلیدر . "

آلاچقلیق طالمک یک حوصله سی کنیش طاقنددر؛ سال تقویملرینه
 آنلر قدر دوام اوزره دقت ایدن یوقدر .

بورجکزی اوده مک ایچون کسیدیگن وعده بی اونودوبده، تدارکلی
 اولدیگن بروتنده اونلر پاره بی ایستزل .

بورجکزی دوشنورسه کز بیله اول امرده اوزون ظن ایتدیگن مدت،
 کله کله یک زیاده قیصه لیر : اودرجه ده، که کویا زمان نأدیه تقریبی
 تسریع ایچون آياقلاینه قناد طاقش ظن ایدرسکز ؛

" بیرام کونی بورج اوده به جک اولانه رمضان اوزون سورمز . "
 بورجلیله آلاچقلی؛ بر رینک اسیریدرل؛ حریتکزه، استقلالکزی شو
 ایکی باشلی زنجیردن محافظه ایدیکز !

احتمال، که بعض اوافق تفک سفاهاتلر کزی قولایجه وجوده کتیره
 بیله جک قدر کندیکزده قیدرت کوررسکز ! فقط اختیارلق و احتیاج
 زمانلری ایچون ممکن اولدیغی قدر پاره بیر کدیرک !

قزاج، مشکوک و موقوف برشیدر؛ مضرف ایسه مقرر و دائمی در
ریشارک دیدیکی کبی : « ایکی اوجاق باید رمق برنده آتش بولندیر -
مقدن قولایدیر . »

صباحلین بورجلی قالقمقدن ایسه، اوبقولق یمه دن یاتحق خیر لیدر .
هرنه قزانه بیلیرسه کز قزانکز ! شو قدر، که صاقلامه نك یولنی
بیلیرکز !

ایسته قورشونی آلتون ایتمه نك سری بودر . نه وقت شو کیمیایه نائل
اولورسه کز بردها زمانك مساعده سزلکنندن، ویرکونك آغرلغندن شکا-
یت اینلز اولورسکز !

دوستلرم ! بویول عقل و احتیاط یولیدر !
شونیده سویلرم، که یالکز چالشقانلغکزه، قناعتکزه، تصرفکزه ده
امنیت ایتمک ! حقیقت حالده بونلر پک اعلا شیلردر؛ لکن هر شیدن اول
جناب حقک لطفنه مظهر دوشمینجه بونلرک هیچ فائده سی کورولمز .
هابدی جناب حقدن کمال تضرعه امور کزده موفقیت نیاز ایدیکز !
الطاف حقدن بعید دوشنلرک احوالنندن متأثر اوله رق، حققرنده شفقت
و اعانت ده بولونکز !

ابوب علیه السلامک افتقارنی ومؤخرأ اعاده ثروت و یسارینی خاطر-
دن چیقارمیکز ! ده زباده سونلکه لزوم کوره مم؛ چونکه :
« تجربه برمکتبدر، که درساری پک بهالیدر . » احقرلر برشی او -
کرنه بیلیرلرسه آنجق بومکتبدده اوکرنه بیلیرلر . حال بو که اوده پک
نادردر . و ریشارک دیدیکی کبی « برآدمه پک ابی نصیحت ویریله بیلیر -
سه ده برابی مسلک ویریله مز . »

شونیده دائماً خاطر کرده طوعلیسکز، که ابی نصیحتی قبول ایتمیان مفید
بر یاردم دن محروم اولمش اولور .

حاصلی رجل صالح ریشار خاتمہ کلام اولمق اوزره " سز معقوله
 قائل اولمق ایستهمز سه کز بر کون اولوب شأمتنی چکسه کز کر کدر."
 دیمشدر . تمت

سعی

« احرث لذتیاك كافك تعیش ابدًا
 و احرث لا تخرنك كايك تموت غدا »

هم یارین ایچون موته حاضرلنق همده هیچ اولمیه جک کبی تحصیه
 چالشق بر یوک قاعده حکمندر که سعادت حالک اساسی انک حکمنه اتباعدن
 عبارتدر .

البته انسان دقیقه بدقیقه موته منتظر اولنجیه ذخیر آخرتی تدارکده
 قصور ایتز . لکن حیاته بر حد تصور ایتدیکی حالدهده بر کون آج قالمق
 مخاطره سنه دوشمش اولور . چونکه آدمه بر آن اولومدن امان اولمدیغی
 کبی حیات ایچون عمر طبیعی دخی بر حد معین دکلدز .

باخصوص که انسان فنا بولور، اما انسانیت، دنیا طور دقجه، باقیدر .
 بر کره دوشونهلم : دنیاده یکی طوغش چوجقندن عاجز برشی وارمیدر ؟
 بیچاره بو مختخانهیه بیک درلو احتیاج، بیک درلو استعداد ایله کلش، حال
 بو که ایکی ضعیف قولندن بشقه لوازمی تدارک آلت یوق! هوا مر جتسز؛
 برودت و رطوبته جانہ قصد ایدر . طوپراق خسیس، لازم اولان جواهر
 و انماری سینه حرصنده صاقلار .

ینه بویله ایکن، هر احتیاجنی استیفایه، هر استعدادنی اظهاره موفق
 اولور . بوکامدار اولان اسباب هب بزدن اول کلانلرک ثمره غربتی
 دکلمدر ؟

اوله ایسه، اسلافه اولان دین تشکرمنی اخلافه ایضا ایتک لازم کلرمی ؟